

Oifig an  
Office of the



Stiúrthóra Ionchúiseamh Poiblí  
Director of Public Prosecutions

# Ardchaighdeán Seirbhíse ar Plean Gníomhaíochta 2017-2019



## Clár

---

Ráiteas Misin	3
Ról Oifig an Stiúrthóra Ionchúiseamh Poiblí	4
Ár nGeallsealbhóirí	6
Prionsabail na Seirbhíse ar Ardchaighdeán do Chustuméirí	8
Tiomantais chun Seirbhís ar Ardchaighdeán a Sheachadadh	10
Mionsonrai Teaghmhála	15
Struchtúr Eagraíochta	16
Imlíne ar an bPróiseas Ionchúisimh Choiriúil	17
Comhaltaí an Fhoghrúpa Seirbhíse ar Ardchaighdeán	18



## RÁITEAS MISIN

---

Seirbhís ionchúisimh a bheidh  
neamhspleách, cothrom agus  
éifeachtach a sholáthar thar  
ceann Phobal na hÉireann

# 1. RÓL OIFIG AN STIÚRTHÓRA IONCHÚISEAMH POIBLÍ

1.1 Bunaíodh Oifig an Stiúrthóra Ionchúiseamh Poiblí faoin Acht um ionchúiseamh i gCionta, 1974. Tagraitear don Stiúrthóir ionchúiseamh Poiblí mar an Stiúrthóir. Tá trí phríomhrannán in Oifig an Stiúthóra:

- Tá an **Rannán Stiúrtha** comhdhéanta d'abhcóidí agus d'aturnaetha a scrúdaíonn comhaid imscrúdaithe choiriúil agus a chinneann cibé ar chóir ionchúiseamh a dhéanamh
- Tá an **Rannán Aturnaetha** comhdhéanta d'aturnaetha agus d'fheidhmeannaigh dlíthiúla a ullmháonn agus a sheolann cásanna thar ceann an Stiúrthóir i ngach suí de na Cúirteanna i mBaile Átha Cliath.
- Soláthraíonn an **Rannán Riaracháin** na seirbhísí eagraíochtúla, bonneagair, riarrachán agus faisnéise a bhíonn riachtanach don Oifig agus chomh maith leis sin tugann tacaíocht don Rannán Stiúrtha agus don Rannán Aturnaetha araon.

Faigheann na trí Rannán tacaíocht ina gcuid oibre ó:

- Déanann an **tAonad Beartais agus Taighde**, a sholáthraíonn taighde maidir le cúrsaí dlíthiúla agus beartais, beartais maidir le hionchúiseamh a forbairt agus comhairle a thabhairt i ndáil le doiciméid faoi bheartas dlíthiúil a tharchuirtear chuig an Oifig lena mbreithníu.
- An **tAonad Leabharlainne** a sholáthraíonn seirbhísí faisnéise agus saineolais don fhoireann dlí agus don fhoireann riarrachán araon.
- An **tAonad Idirchайдrimh le hÍospartaigh**, ar a bhfuil freagracht maidir lena chinntí go gcomhlíonann an Oifig a hoibleagáidí mar atá leagtha amach i dTreoir 2012/29/AE lena mbunaítear caighdeán íosta maidir le cearta íospartaigh na coireachta agus maidir le tacaíocht agus cosaint dóibh.

## 1.2 Cad a dhéanaimid?

Cuireann an Stiúrthóir an dlí coiriúil i bhfeidhm go neamhspleách sna cúirteanna, thar ceann mhuintir na hÉireann; stiúrann agus maoirsíonn sé ionchúisimh phoiblí ar diotáil sna cúirteanna; agus tugann treoir ghinearálta agus comhairle don Gharda Síochána i ndáil le cásanna achoimre agus tugann treoir shainiúil sna cásanna sin nuair a iarrtar é.

Cinneann an Stiúrthóir cibé an gcúisítéar daoine i gcionta coiriúla agus cé na cúisimh ba chóir a bheith i gceist. Ó bhíonn cúisimh tionscanta bíonn Oifig an Stiúthóra i gceannas ar an gcás ionchúisimh.

Caithfidh an t-ionchúisitheoir a chinneadh cibé an bhfuil dóthain fianaise ann is féidir a chur os comhair na Cúirte. Mura bhfuil dóthain fianaise ann lena chur ina luí ar an

gcúirt go bhfuil an duine ciontach ní leanfar ar aghaidh le hionchúiseamh. Caithfidh an t-ionchúisitheoir cuimhneamh go gcaithfear a chur ina luí ar bhreitheamh nó giúré thar aon amhras réasúnach go bhfuil duine ciontach. Ní leor a cheapadh gur dócha go ndearna an duine cúisithe an choir. Is easpa fianaise an chuíis is coitianta do chinntí gan ionchúiseamh a dhéanamh.

I líon beag cásanna, fiú agus go bhféadfadh an fhianaise a bheith láidir, d'fhéadfaí a chinneadh gan ionchúiseamh a dhéanamh ar chuíseanna eile. Mar shampla:

- d'fhéadfadh sin tarlú i gcás gur ógánach an ciontóir agus gur cás oiriúnach é le déileáil leis faoin gClár Astiúrtha d'Ógánaigh; nó
- i gcás go mbíonn moill fhada ann ó rinneadh an cion; nó
- i gcás go mbíonn sé chun leasa an phobail gur fearr gan ionchúiseamh a dhéanamh.

Glarctar gach ionchúiseamh coiriúil ar díotáil in ainm an Stiúrthóra. Is féidir leis na Gardaí coireanna nach bhfuil chomh tromchúiseach a ionchúiseamh in ainm an Stiúrthóra gan comhad a sheoladh chuig Oifig an Stiúrthóra. Nuair a tharlaíonn sé sin binn an ceart ag an Stiúrthóir treoir a thabhairt do na Gardaí ar an tstí le déileáil leis an gcás.

Ionchúisíonn an Stiúrthóir i ngach ceann de na cásanna níos tromchúisí agus amanna i gcásanna nach bhfuil chomh tromchúiseach. Éistear na cásanna is tromchúisí os comhair giúré sa Chúirt Chuarda nó sa PhríomhChúirt Choiiriúil nó os comhair painéil de thriúr breithiúna sa Chúirt Choiiriúil Speisialta.

### **1.3 Roinntear cásanna coiriúla ina dhá chineál - cionta achoimre agus cionta ar díotáil.**

#### **Cionta achoimre**

- cásanna iad nach bhfuil chomh tromchúiseach;
- éisteann breitheamh iad gan giúré sa Chúirt Dúiche – an chúirt is ísle in Éirinn;
- cásanna nach mbíonn an phianbhreith uasta príosúnachta is féidir le cúisí a fháil d'aon chion amháin riamh níos mó ná 12 mí.

#### **Cásanna ar díotáil**

- cásanna iad atá níos tromchúisí;
- éisteann breitheamh agus giúré sa Chúirt Chuarda nó sa PhríomhChúirt Choiiriúil iad;
- bíonn pionóis níos déine leo má chiontaíonn an chúirt an cúisí – d'fhéadfadh tréimhse go dtí príosúnacht saoil a bheith ann i gcás coireanna áirithe;

- amanna féadfar déileáil leo sa Chúirt Choiríul Speisialta ag trí bhreitheamh gan giúiré.

**1.4** Gníomhaíonn an PríomhAturnae ionchúisimh mar aturnae don Stiúrthóir agus tá an PríomhAturnae ionchúisimh mar cheannaire ar an Rannán Aturnaetha in Oifig an Stiúrthóra. Déanann foireann an Rannáin Aturnaetha uiríolla ar an Stiúrthóir i ngach círt i mBaile Átha Cliath. Déanann Aturnaetha Stáit Áitiúla uiríolla ar an Stiúrthóir i gcúirteanna lasmuigh de Bhaile Átha Cliath.

### 1.5 Ní dhéanann Oifig an Stiúrthóra:

- coireanna a imscrídú – imscrúdaíonn an Garda Síochána agus sainghníomhaireachtaí imscrúdaithe eile coireanna. Nuair bhíonn siad críochnaithe le coir thromchúiseach a imscrídú seolann siad comhad chuit an Stiúrthóir a chinneann cé na cúisimh atá le tabhairt.
- comhairle dhlíthiúil a thabhairt do dhaoine den phobal. Ba chóir do dhaoine a bhíonn ag lorg comhairle den sórt sin dul i gcomhairle lena gcomhairleoirí féin.

## 2. ÁR NGEALLSEALBHÓIRÍ

---

### 2.1 Geallsealbhóirí seachtracha

Tá raon leathan geallsealbhóirí ag ár n-oifig agus táimid tiomanta an leibhéal seirbhísé is fearr a sholáthar dóibh mar fhreagra ar a riachtanais aonair. Chun seirbhísí a sholáthar chuit na caighdeáin is airde is ríthábhachtach don Oifig go mbunódh sí agus go gcothabhálfadh sí caidreamh oibre láidir lena geallsealbhóirí ar fad.

Braitheann oibriú éifeachtach na hOifige cuid mhór ar an tslí a n-idirghníomhaíonn a foireann leis na daoine agus leis na heagraíochtaí a bhíonn páirteach sa chóras ceartais coiriúil. Leanfaimid de bheith ag tógáil ar an dul chun cinn as cuimse atá déanta i bhforbairt bealaí éifeachtacha cumarsáide leis na grúpaí sin ar fad. Tá liosta mionsonraithe dá ngeallsealbhóirí ar fáil ar leathanach 7.

Agus seirbhís ionchúisimh á soláthar thar ceann Phobal na hÉireann bionn Oifig an Stiúrthóra Ionchúiseamh Poiblí ag idirghníomhú le gníomhaireachtaí, oifigí agus daoine éagsúla. Tá ár bpriomh-gheallseabhairí leagtha amach sa chait seo a leanas:



### 3. PRIONSABAIL NA SEIRBHÍSE ARDCHAIGHDEÁN DO CHUSTAIMÉIRÍ

Agus iad ag déileáil leis na Ranna Státseirbhísé poiblí agus leis na hOifigí Seirbhísé Poiblí beidh na prionsabail seo a leanas maidir le seirbhís do chustaiméirí i bhfeidhm:

#### Caighdeán na Seirbhísé ar Ardchaighdeán

Ráiteas a fhoilsíú a thugann achoimre ar nádúr agus ar ardcháilíocht na seirbhísé lenar féidir lenár gcustaiméirí a bheith ag súil go dlisteanach agus an ráiteas sin a bheith ar taispeáint ag an bpointe seachadta seirbhísé.

#### Comhionannas/Éagsúlacht

Na cearta ar chóir chomhionann arna mbunú ag an reachtaíocht chomhionannais a chinntiú, agus soláthar a dhéanamh d'éagsúlacht, ionas go gcuirfear le comhionannas do ghrúpaí atá clúdaithe ag an reachtaíocht (ar na forais inscne, stádas pósta, stádas teaghlaigh, gnéaschlaoonadh, creideamh, aois, míchumas, cine agus duine den Lucht Siúil).

Bacainní ar rochtain ar sheirbhísí do dhaoine atá ag fulaingt ó bhochtaine agus eisiamh sóisialta, mar aon leo sin a bhfuil bacainní geografacha ar sheirbhísí rompu, a shainainthint agus oibriú chun deireadh a chur leis na bacainní sin.

#### Rochtain Fhisiciúil

Oifigí glana, inrochtaine a sholáthar a chinntíonn príobháideacht, a chomhlíonann na caighdeán ghairme agus sábháilteachta agus a éascaíonn rochtain do dhaoine faoi mhíchumais agus do dhaoine eile le riachtanais shainiúla.

#### Eolas

Cur chuige forchéimneach a ghlacadh i soláthar eolais a bhíonn soiléir, tráthúil, cruinn agus a bheidh ar fáil ag gach pointe teagmhála, agus a chomhlíonann riactanais na ndaoine faoi mhíchumais. A chinntíú go mbaintear leas iomlán as an bpoiténseal a thairgeann an Teicneolaíocht Faisnéise agus go bhfuil an t-eolas atá ar fáil ar láithréain ghréasáin na seirbhísé poiblí de réir na dteoirínt ar fhoilseachán gréasáin.

Leanúint den treallús chun rialacha, rialacháin, foirmeacha, bileoga eolais agus nósanna imeachta a shimplíú.

#### Tráthúlacht agus Cúirtéis

Seirbhísí a sheachadadh le cúirtéis agus lena laghad moille is féidir, ag cothú atmaisféir de mheas frithpháirteach idir an soláthróir agus an custaiméir.

Ainmneacha teagmhála a thabhairt i ngach cumarsáid chun éascacht na n-idirbheart leanúnach a chinntiú.

## Gearáin

Córas dea-phoiblithe, inrochtaine, tréadhearach agus éasca le húsáid a chothabháil chun déileáil le gearáin faoi chaighdeán na seirbhísí a sholáthraítear.

## Achomhairc

Ar an tstíl chéanna, córas achomhairc/athbhreithnithe foirmiúil, dea-phoiblithe, inrochtaine, tréadhearach agus éasca le húsáid a chothabháil do chustaiméirí a bhíonn míshásta le cinntí i ndáil le seirbhísí.

## Comhchomhairle agus Meastóireacht

Cur chuige struchtúrach i leith chomhchomhairle chiallmhar a sholáthar leis an gcuistaiméir, agus ranannpháirtíocht ag an gcuistaiméir, i ndáil le forbairt, seachadadh, agus athbhreithniú seirbhísí. Meastóireacht chiallmhar ar sheachadadh seirbhísí a chinntiú.

## Rogha

Rogha a sholáthar, nuair is indéanta sin, i seachadadh seirbhise lena n-áirítear modhanna íocaíochta, suíomh na bpointí teagmhála, uaire oscailte agus tráthanna seachadta. Úsáid a bhaint as na teicneolaíochtaí atá ar fáil agus na teicneolaíochtaí atá ag teacht chun cinn chun rochtain uasta agus rogha, mar aon le ardchaighdeán seachadta, a chinntiú.

## Comhionannas na dTeangacha Oifigiúla

Seirbhísí cáilíochta a sholáthar trí Ghaeilge agus/nó go dátheangach agus custaiméirí a chur ar an eolas faoina gceart an rogha a bheith acu go ndéileálfai leo trí cheann de na teangacha oifigiúla.

## Comhordú Níos Fearn

Cur chuige níos comhordaithe agus níos lánpháirtithe i leith sheachadadh na seirbhísí poiblí a chothú.

## An Custaiméir Inmheánach

A chinntiú go n-aithnítear an fhoireann mar chustaiméirí inmheánacha agus go dtugtar tacaíocht chuí dóibh agus go ndéantar comhchomhairle chuí leo maidir le saincheisteanna a bhaineann le seachadadh na seirbhise.

## 4. TIOMANTAS CHUN SEIRBHÍ AR ARDCHAIGHDEÁN A SHEACHADADH AG OIFIG AN STIÚRTHÓRA IONCHÚISEAMH POIBLÍ

---

### 4.1 CAIGHDEÁIN SEIRBHÍSE AR ARDCHAIGHDEÁN

#### Déanfaimid

- Seirbhís ionchúisimh a sholáthar a bheidh neamhspleách, cothrom agus éifeachtach
- Cairt Seirbhísé ar Ardchaighdeán a fhoilsiú agus a chur ar fáil go forleathan a thugann achoimre ar chaighdeán ar féidir a bheith ag súil leo ón Oifig seo
- Tiomantas a thabhairt na gníomhartha a bhfuil achoimre orthu sa Phlean Gníomhaíochta a sheachadadh agus meastóireacht a tháirgeadh lena fhoilsiú inár dTuarascáil Bhliantúil
- A chinntí go mbreithnítear go cúramach do gach ní dá dtagraítear san Oifig seo a bhainneann leis an gcinneadh cibé an ndéantar ionchúiseamh agus seoladh na n-ionchúiseamh
- A chinntí go ndéileáltear le gach ní dá dtagraítear san Oifig seo ar shlí chuí agus rúnada
- Cloí leis na caighdeáin ghairmiúla seirbhísé is airde lena n-áirítear iad sin atá leagtha amach i na dTreoiríntí d'ionchúisitheoirí agus Cód Eitice d'ionchúisitheoirí; Cód lompair Bharra na hÉireann; teoiríntí Dhlí-Chumann na hÉireann i ndáil le hiompar gairmiúil aturnaetha; caighdeán freagrachta gairmiúla Chumann Idirnáisiúnta na nlonchúisitheoirí; agus na caighdeáin atá leagtha amach i moladh Rec 2000 (19) de Choiste Airí Chomhairle na hEorpa ar ról an ionchúisimh phoiblí sa chórás ceartais choiriúil
- Oiliúint a sholáthar ar sheirbhís ar ardchaighdeán don fhoireann

### 4.2 COMHIONANNAS/ÉAGSÚLACHT

#### Déanfaimid

- De réir na gceart ar chóir chomhionann arna mbunú ag an Acht um Stádas Comhionann, 2000
- A chinntí go n-aithnítear riachtanais éagsúla na ndaoine a soláthraímid seirbhís dóibh

- Oiliúint agus tacaíocht foirne i réimsí comhionannais agus éagsúlacha a shainaithint agus a fhorbairt
- Áit a bheith againn sa Straitéis Acmhainní Daonna a chuireann taca faoi chur chuige nach bhfuil idirdhealaitheach agus an tábhacht atá le feasacht ar mhíchumas
- Feabhas a chur ar ardchaighdeán agus raon na mbealaí rochtana ag baint úsáide as teicneolaíocht faisnéise nua agus teicneolaíocht faisnéise atá ag teacht chun cinn

## 4.3 ROCHTAÍN FHISICIÚIL

### Déanfaimid

- Oifigí glana, inrochtaine a sholáthar a chinntíonn príobháideacht agus a chomhlíonann na caighdeáin sláinte agus sábháilteachta
- Féachaint go leanúnach le freastal ar dhaoine le riachtanais speisialta
- A chinntíú go dtabharfar aghaidh ar shaincheisteanna rochtana ar shlí éifeachtach agus tráthúil

## 4.4 EOLAS

### Déanfaimid

- Eolas cothrom le dáta, a bhfuil rochtain éasca air, ar obair na hOifige a sholáthar trí threoirleabhair eolais, tuarascálacha bliantúla, treoirlínte agus foilseacháin eile a fhoilsíú i ggnáth-theanga
- Eolas i ndáil le riarrachán ginearálta na hOifige a chur ar fáil. (Tá faisnéis i ndáil le cásanna coiriúla aonair díolmhaithe faoin Acht um Shaoráil Faisnéise, 1997, agus dá bhrí sin ní féidir an fhaisnéis sin a chur ar fáil don phobal.)
- Meas a léiriú ar chearta iospartaigh na coireachta chun faisnéis a fháil faoi mar a leagtar amach sa Treoir ón AE maidir le híospartaigh.
- A chinntíú go mbeidh foilseacháin uile na hOifige ar fáil ar ár láithreán gréasáin ag [www.dppireland.ie](http://www.dppireland.ie)
- A chinntíú go dtugtar ár láithreán gréasáin cothrom le dáta go rialta agus go mbíonn rochtain éasca ar eolas
- Gach eolas iomchuí agus tuarascálacha a fhoilsíú ar shlí thráthúil
- Faire a dhéanamh ar fhorbairt teicneolaíocha le súil agus na modhanna is cothromai le dáta a úsáid do scaipeadh eolais

- Comhoibriú le gníomhaireseachtaí eile sa chóras ceartais choiriúil chun roinnt eolais agus faisnéise a éascú
- A chinntíú go gcuirtear faisnéis trasna i dteanga shoiléir atá éasca le tuiscint
- Treoracha soiléire agus cuimsitheacha a thabhairt dár soláthróirí seirbhísé

## 4.5 TRÁTHÚLACHT AGUS CÚIRTÉIS

### Déanfaimid

- A chinntíú go ndéileáiltear le gach cumarsáid teileafóin leis an offfce le ar bhealach éifeachtach, tráthúil agus cúirtéiseach
- A chinntíú go ndéileáiltear le gach comhad, fiosrúchán agus ní eile a tharchuirtear chuig an Oifig seo ar shlí thráthúil, mhúinte agus chuírtéiseach
- A chinntíú go dtugann an fhoireann a n-ainm agus a rannóg nuair a fhreagraíonn siad fiosruithe teileafóin
- Ainmneacha teagmhála, uimhreacha teileafóin agus uimhreacha tagartha a sholáthar ar chumarsáid scríofa
- Admháil a thabhairt ar chumarsáid scríofa a fháil
- Freagairt go pras ar chumarsáid. Murar féidir déileáil leis an ábhar go pras eiseofar freagra eatramhach
- Déileáil leis na daoine dá soláthraímid seirbhís le cúirtéis agus breithniú
- Déileáil le híospartaigh agus finnitéithe leis an meas agus íogaireacht is mó
- Oibriú leis an nGarda Siochána lena chinntíú go gcoinnítear íospartaigh coireachta go hiomlán ar an eolas faoi forbairtí ina gcás
- Cruinnithe réamhtrialach a éascú chun an próiseas trialach a mhíniú nuair a iarrann íospartach coireachta sin. Ní féidir fianaise a phlé le finnitéithe roimh an gcás círte afach

## 4.6 GEARÁIN

### Déanfaimid

- Nós imeachta gearáin trédhearcadh agus éasca le húsáid a bheith ann
- Déileáil le gearáin go pras
- Faireachán a dhéanamh ar ghearáin lena chinntíú go bhfeabhsaítear seirbhísé amach anseo nuair is gá

Má bhíonn gearán agat faoin tslí a oibrímid is féidir leat scríobh chuig:

### Oifig an Stiúrthóra Ionchúiseamh Poiblí

Bóthar na hOtherlainne,

Baile Átha Cliath 7.

## 4.7 ACHOMHAIRC

### Déanfaimid

- Ar iaraidh ó íospartach nó duine ciontaithe, nó duine dá dteaghlaigh, a ndlíodóir, a ndochtúir nó oibrí sóisialta, iaraidh ar athbhreithniú ar chinneadh a bhíonn glactha ag an Oifig seo a bhrefithniú
- Nuair is cuí iarratas a dhéanamh chuig an gCúirt Achromhairc Choiríil chun athbhreithniú a dhéanamh ar phianbhreith a ghearrtar i gcásanna ar trial sa Chúirt Chuarda, sa PhríomhChúirt Choiríil nó sa Chúirt Choiríil Speisialta cibé uair a bhíonn pianbhreith sa dlí trócaireach go míchuí
- Iaraidh ó íospartach, nó ó dhuine de theaghlach an íospartaigh, ó dhlíodóir, ó dhochtúir nó ó oibrí sóisialta maidir le hachomharc ar thrócaireacht pianbhreithe a thugann an Chúirt a bhrefithniú agus freagra pras a thabhairt ina leith

## 4.8 COMHCHOMHAIRLE AGUS MEASTÓIREACHT

### Déanfaimid

- Dul i gcomhairle le geallsealbhóirí ar bhonn leanúnach chun na seirbhísí a sholáthraítear a fhobairt agus a mhéadú
- Cur le forbairt na seirbhise ionchúisimh trí bheith rannpháirteach i ngrúpaí oibre idirghníomhaireseachtaí agus trasfheidhmeacha
- Suirbhéanna a dhéanamh agus an t-aiseolas a fhaightear a úsáid chun seirbhísí a fheabhsú
- Athbhreithniú agus meastóireacht a dhéanamh go leanúnach ar sheachadadh ár seirbhísí lena chinntíú go gcoinnítear na caighdeáin is airde

## 4.9 ROGHA

### Déanfaimid

- Seirbhís stiúrtha lasmuigh d'uaire oscailte a sholáthar do chomhaltaí den Gharda Siochána
- Seirbhís ionchúisimh a sholáthar i gcúirteanna a shuíonn lasmuigh de na gnáthuaire cúirte

- A bheith tiomanta síneadh a chur leis an rogha atá ar fáil i ndáil le seachadadh ár seirbhísí nuair is indéantá sin
- Teicneolaíocht nua a scrúdú chun bhealaí malartacha áisiúla a fhorbairt chun idirghníomhú linn

## 4.10 ANNAS NA dTEANGACHA OIFIGIÚLA

### Déanfaimid

- Gach foilseachán de chuid na hoifige a fhoiliú go dátheangach
- Leanúint de bheith ag cothabháil ár láithreáin gréasáin i nGaeilge agus i mbÉarla
- Cabhrú leat do ghnó a sheoladh trí Ghaeilge
- Ár n-oibleagáidí faoi Acht na dTeangacha Oifigiúla, 2003 a chomhlíonadh
- Úsáid na Gaeilge a chur chun cinn trí chlár oiliúna agus tionscnaimh eile

## 4.11 COMHORDÚ NÍOS FEARR

### Déanfaimid

- Leanúint de lánpháirtíú rannán stiúrtha agus rannán aturnaetha na hOifige chun seirbhís ionchúisimh níos comhordaithe agus níos eifeachtaí a sholáthar
- Leanúint de chomhoibriú agus idircheangal le gníomhaireachtaí eile sa chóras ceartais choiriúil ag leibhéal náisiúnta agus ag leibhéal idirnáisiúnta araon
- Páirt a ghlaicadh i líonraí earnála poiblí iomchuí agus cur leo
- Leanaimid ag déanamh maith dár ngealltanais faoi Phlean Athchóirithe na Seirbhísé Poiblí
- Cur chuige lánpháirtithe a fhorbairt i leith sheachadadh ár seirbhísí tríd an bpróiseas comhpháirtíochta agus trínár ngrúpaí oibre inmheánacha

## MIONSONRAÍ TEAGMHÁLA

---

### **Oifig an Stiúrthóra Ionchúiseamh Poiblí**

Bóthar na hOtherlainne,

Baile Átha Cliath 7.

Teil: + 353 1 858 8500

Faics: + 353 1 642 7406

Láithreán Gréasáin: [www.dppireland.ie](http://www.dppireland.ie)

### **An Príomh-Aturnae Ionchúisimh**

Oifig an Stiúrthóra Ionchúiseamh Poiblí

Bóthar na hOtherlainne,


Baile Átha Cliath 7.

Teil: +353 1 858 8500

Faics: +353 1 642 7406

Láithreán Gréasáin: [www.dppireland.ie](http://www.dppireland.ie)

## STRUCHTÚR EAGRÚCHÁIN



## ACHOIMRE AR AN bPRÓISEAS IONCHÚISIMH CHOIRIÚIL

### AN GARDA SÍOCHÁNA & SAINGHNÍOMHAIREACHTAÍ IMSCRÚDÚCHÁIN

- Imscrúdaithe coiriúla neamhspleácha a sheoladh
- An chuid is mó de na hionchúisimh achoimre i ndíil le cionta nach cíonta tromchúiseacha a sheoladh sa Chúirt Dúiche (faoi réir ag cumhacht an DPP treoir a thabhairt)
- Comhaid a ullmhú agus a chur faoi bhráid Rannán na nAturnaetha in Oifig an Stiúrthóra Ionchúiseamh Poiblí (cásanna Bhaile Átha Cliath) nó faoi bhráid an aturnae stáit áitiúil (cásanna lasmuigh de Bhaile Átha Cliath) i leith cionta tromá

### RANNÁN NA nATURNAETHA OIFIG AN STIÚRTHÓRA IONCHÚISEAMH POIBLÍ (Cásanna atá le héisteachta i mBaile Átha Cliath)

- Ionchúisimh achoimre áirithe a sheoladh sa Chúirt Dúiche
- Comhaid imscrúdaithe a chur faoi bhráid Rannán na dTreasracha d'Oifig an Stiúrthóra Ionchúiseamh Poiblí chun treoracha a fháil maidir le hionchúiseamh
- Cásanna a ullmhú le haghaidh na cíunte

### ATURNAE STÁIT ÁITIÚIL (Cásanna atá le héisteachta lasmuigh de Bhaile Átha Cliath)

### RANNÁN NA dTREORACHA OIFIG AN STIÚRTHÓRA IONCHÚISEAMH POIBLÍ

- Scrúdaíonn comhaid a fhaightear ó Rannán na nAturnaetha agus ó aturnaetha stáit áitiúla
- Stiúraíonn tionscnamh ionchúisimh nó leanuint d'ionchúiseamh
- Ainmnionn abhcóidi chun cásanna a ionchúiseamh ar diotáil (os comhair na Cúirte Cuarda, na Príomh-Chúirte Coiriúla agus na Cúirte Coiriúla Speisialta)
- Soláthraíonn treor leanúnach agus comhairle dhilithíúil do Rannán na nAturnaetha agus ó aturnaetha stáit áitiúla go dtí go gcríochnaítear an cás atá á éisteacht
- Tugann comhairle don Gharda Sióchána agus do shainghníomhaireachtaí imscrúdúcháin agus tugann treoracha maidir le cíúsíomh a dhéanamh

### RANNÁN NA nATURNAETHA OIFIG AN STIÚRTHÓRA IONCHÚISEAMH POIBLÍ (Cásanna atá le héisteachta i mBaile Átha Cliath)

- Treoracha ó Rannán na dTreasracha a chur chun feidhme
  - Freastal ar réamhéisearachtaí sa Chúirt Dúiche
  - Leabhar Fianaise a ullmhú i gcásanna diotála
- Teagasc agus cúnamh a thabhairt don abhcóide ainmhithe atá ag seoladh an ionchúisimh
  - Freastal ar an triail agus tuairisc a thabhairt ar an toradh do Rannán na dTreasrach
- Seirbhís idircháidrimh a sholáthar do gníomhaireachtaí agus do pháirtithe atá páirteach sa phróiseas coiriúil

### ATURNAE STÁIT ÁITIÚIL (Cásanna atá le héisteachta lasmuigh de Bhaile Átha Cliath)

### ABHCÓIDE IONCHÚISIMH

- Láithriú sa chúirt agus ionchúisimh ar diotáil a sheoladh thar ceann, agus de réir threasracha, an Stiúrthóra Ionchúiseamh Poiblí

### NA CÚIRTEANNA

- Cás le linn éisteachta (diotchúiseamh, triail)
- Toradh an cháis (ciontú/éigintú)
  - Pianbhreith a ghearradh

